

POZIV U ISLAM

الدعوة إلى الإسلام

Allah, dž.š., naredio je Svome poslaniku, Muhammedu, s.a.v.s., da pozove ljude u islam, pa mu je objavio: "O ti pokriveni! Ustani i opominji! I Gospodara svoga veličaj!" (El - Muddessir, 1-3)

Kurejšije su, međutim, obožavali kipove i nisu nikome dozvoljavali da ih napada, te su se suprotstavljali onome ko bi to pokušao. Poslanik, s.a.v.s., pozivao je prvo ljude u islam tajno, a Hatidža je bila prva koja je primila islam. Od ljudi je to bio Ebu-Bekr, r.a., Poslanikov, s.a.v.s., drug. Od djece je Alija, r.a., prvi primio islam, a od robova, Zejd ibn Harise, r.a. Muhammed, s.a.v.s., je pune tri godine vršio tajnu misiju tokom koje se sastajao sa svojim ashabima u kući Erkama bin Ebi-Erkama, sve dok nisu objavljene riječi uzvišenog Allaha, dž.š.: "Ti jano ispovjedaj ono što ti se naređuje i mnogobožaca se okani!" (El - Hidžr, 94) (tj. istupi i javno pozivaj ljude u islam!)

Poslije ove naredbe, Poslanik, s.a.v.s., popeo se na brdo Safu i pozvao ljude da se okupe. Nakon što su se okupili, on ih je pozvao u islam, te da napuste obožavanje idola. Ovo je veoma rasrdilo Ebu-Leheba, koji reče: "Neka je na tebe propast! Zar si nas zbog ovog sakupio?!" Onda Allah, dž.š., objavi: "Neka propadne Ebu-Leheb, i propao je! Neće mu biti od koristi blago njegovo, a ni ono što je stekao. Ući će on, sigurno, u vatru rasplamsalu, i žena njegova koja spletkari; o vratu njenu bit će uže od ličine usukane!" (El - Leheb, 1-5)

Poslije ovoga, Poslanik, s.a.v.s., nastavi javno pozivati svoj narod u Meki, punih deset godina.